

Džumhur bez plasmana u polufinale ATP turnira u Genevi



Bosanskohercegovački teniser Damir Džumhur nije se uspio plasirati u polufinale ATP turnira iz serije 250 u Genevi.

Džumhura je u četvrtfinalu 524.340 eura vrijednog turnira pobijedio peti nosilac Moldavac Radu Albot sa 6:3, 7:5, za sat i 40 minuta igre.

Najbolji bosanskohercegovački teniser do četvrtfinala je došao pobjedama nad španskim veteranom Felicianom Lopezom (108. ATP) sa 6:7, 6:4, 7:5, te nakon velike borbe i preokreta, i nad drugim nosiocem Švicarcem Stanom Wawrinakom (27. ATP) sa 3:6, 6:3 i 6:4, a za plasman u glavni žrijeb morao je igrati i kvalifikacije.

Ovo je, inače, bio šesti međusobni obračun Džumhura i Albota, a oba tenisera sada imaju po tri pobjede.

Albot će u polufinalu igrati sa Čileancem Nicolasom Jarryjem, 75. igračem na ATP listi, piše Fena.

Date: 24-05-2019